

Канон пред иконой Пресвятой Богородицы «Отрада», или «Утешение»

Празднуем 21 января (3 февраля)

Тропарь, глас 4-й

К Богородице прилѣжно ныне притецѣм, грѣшнии и смиреннии, и припадѣм, в покаянии зовуще из глубины души: Владычице, помози, на ны милосердовавши, потщися, погибаем от множества прегрешений. Не отврати Твоя рабы тщи, Тя бо и едину надежду имамы.

КАНОН, глас 8-й

Песнь 1

Ирмос: Воду прошѣд, яко сушу, и египетскаго зла избежав, израильтянин вопияше: Избавителю и Богу нашему поим.

Припев: Пресвятая Богородице, спаси нас.

Божиею благодатию озари мя, Богоблагодатная, благоговейно пѣти пред святою иконою Твоею Тебѣ, небориму Заступницу и державу неразрушиму стада Твоего.

Пресвятая Богородице, спаси нас.

Тя, Всенепорочная, имамы предстательство, Отраду же и Утешение. Сего ради, славяще благодать Твою, молимтися: помилуй нас.

Пресвятая Богородице, спаси нас.

Хранительница сущи Горы, нашедшим разбойником на обитель Ватопедскую не предала еси, Госпоже, рабов Твоих в руки вражия.

Пресвятая Богородице, спаси нас.

Кто подобен Тебѣ, Дѣво, славно творящая чудеса? Наставив бо иноки правдою Сына Твоего, еже боятися Его, избавила и утѣшила еси их крепостию Твоею.

Слава: Врачевско есть еже рѣзати и жѣщи, здравия виновное, но Ты нас, Сыне Божий, мягкими лечбами щедрот Твоих уврачуй, Матере Твоея мольбами.

И ныне: Услыши, Благая, мольбы христоименитых людей, призри на озлобление утесняемых, виждь слезы сущих в скорбех и умилосердитися потщися на рабы Твоя.

Песнь 3

Ирмос: Ты еси утверждение притекающих к Тебѣ, Господи, Ты еси Свет омраченных, и поет Тя дух мой.

Пресвятая Богородице, спаси нас.

Под кров Твой притекаем, людие Твои, Заступница буди нам, Владычице, подающи отраду и утешение поющим Тя.

Пресвятая Богородице, спаси нас.

Возвеселишася ватопѣдцы о спасѣнии Твоѣм, Дѣво, немощствующих бо препоясала еси сілою на прогна́ние разбо́йников.

Пресвятая Богородице, спаси нас.

Не престай, Всемилостивая Госпоже, спасти рабы Твоя от нечаемых напастей, да благодарственно славим Тя.

Пресвятая Богородице, спаси нас.

Моли, Богородительнице, еже избавитися нам всякаго гнева и прещения Божия, Тебе почитающим.

Слава: Ходатаица благоприятная и сильная к Богу, прегрешений оставление испроси нам у Него, Богоневесто.

И ныне: Смертоносных недугов душевных и телесных изми ны, Владычице, вечнующую Жизнь миру рождающая.

Господи, помилуй (*трижды*). Слава, и ныне:

Седален

Видимыми и невидимыми враги окружаемии, к Тебе, Дѣво, прибегающе, зовем: не удали помощь Твою от нас, якоже от иноков ватопѣдских не удалила еси, но державною силою Твоею побори борющия ны, мирное и Богоугодное житие нам устрояющи.

Песнь 4

Ирмос: Услышах, Господи, смотрения Твоего таинство, разумех дела Твоя и прославих Твое Божество.

Пресвятая Богородице, спаси нас.

Убойся сердце игумена в молитве устен его от гласа Твоего, Богомати, и прещения Сына Твоего, и смятѣся крепость его возвещену бывшу нападению от разбойников.

Пресвятая Богородице, спаси нас.

Внегда смутитися Ватопѣду во гнѣве Твоѣм, Господи, милость Твою помянул еси предстательством Приснодевы, от Неяже явился еси на спасение людей Твоих.

Пресвятая Богородице, спаси нас.

Не предаждь в руки врагов наследие Твое, Чистая, да не когда рекут: где есть Богородительница, на Нюже уповаша? но не вредно и ненавѣтно соблюди стадо Твое.

Слава: Святому образу Твоему припадающе, молим Тя: разори советы хотящих нам злая и живот наш направи творити в мире Божественную волю Сына Твоего.

И ныне: Во искушениях буди нам, Владычице, спасительное прибежище, в болезнях врачевание, во обуревании тихое пристанище и в скорбех Отрада и Утешение.

Песнь 5

Ирмос: Вскую мя отринул еси от лица Твоего, Свете Незаходимый, и покрыла мя есть чуждая тьма, окаяннаго, но обрати мя и к свету заповедей Твоих пути моя направи, молюся.

Пресвятая Богородице, спаси нас.

Стену тверду и столп непоколебим Тя имать Горá в нашествиих варварских: студá бо исполняеши вражия лица и возвращатися твориши им вспять тщетным и бездельным, Владычице.

Пресвятая Богородице, спаси нас.

Матернее промышление о сущих в Горé имущей Ти, страха ради Сына Твоего, Дево, поболé Ватопед, уведев о разбойницех, и роди дух спасения предстательством Твоим, Преблагословенная.

Пресвятая Богородице, спаси нас.

Яко же настоятеля Ватопедскаго, по утрени бдévша и молившася, наставила еси, Благая, како спастися от напасти, тако и нам подаждь тщание от нощи утревати к Богу и ко спасению настави ны, избавляющи от всех бед.

Пресвятая Богородице, спаси нас.

Якоже запретила еси, Господжé, отверзати врата готовой сущей погибели от врагов, тако положи в нас благодатную дверь ограждения, да не обрящется входа всезлым губителем и их плéвелом.

Слава: Яко же повелела еси, Владычице, возшедше на стéны, разгнати разбойники, тако укрепи быти нам на четверостении мужества и правды, мудрости и целомудрия, да отражаем борющия ны.

И ныне: Яко же умилостивила еси, Дево, Сына Твоего, прогневавшася на сущия в Ватопеде, тако умилостивляй Его о нас, во многия грехи впадающих, много бо может моление матернее ко благосердию Владыки.

Песнь 6

Ирмос: Молитву пролию ко Господу и Тому возвещу печали моя, яко зол душа моя исполнися и живот мой аду приближися, и молюся, яко Иона: от тли, Бóже, возведи мя.

Пресвятая Богородице, спаси нас.

Возвещающе Ти печали наша, молимтися, Мати Божия: обвесели благодатию Твоею скорбящих сердца, всех Радосте, и от тли возведи ны.

Пресвятая Богородице, спаси нас.

Не стяжæхом на земли иного утешения и крепкаго заступления, разве Тебé, Всеблагая, покрый убо от всякаго зла любовью воспевающих Тя.

Пресвятая Богородице, спаси нас.

Благостыню и милость приемлем от Сына Твоего, Дево, молитвами Твоими: от молвы бо храниши ны, смущения, ловитвы и всякаго коварства вражия, Всепетая.

Слава: Мíру Спасительнице, неборимую силою Твоею не престай соблюдать стадо Твое, зовущее: Отрада и Утешение наше Ты еси, Благословенная.

И ныне: Всех благих вина, смертных оживление, погибших взыскание, избави, Господжé, рабы Твоя от напрасныя смерти и от тли греховныя возведи ны.

Господи, помилуй (*трижды*). Слава, и ныне:

Кондак, глас 8-й

Взбранной Воеводе победительная, яко избавльшися от злых, благодарственная восписуем Ти, раби Твоя, Богородице, но яко имущая державу непобедимую, от всяких нас бед свободи, да зовем Ти: Радуйся, Невесто Неневестная.

Икос

Ангели Тя, Матерь Бога нашего, песнями славословят, и мы земнии воспеваем радостно Тебе вопиюще: радуйся, Светодавца селение, Еюже лучи спасения миру возсияша; радуйся Обрадованная, Еюже исполняем Божественного веселия. Радуйся, двере Востока, от врат смертоносных грехов нас отводящая; радуйся, светильнице пресветлый, просвещаяй омраченных. Радуйся, бездно Божия к нам человеколюбия; радуйся, цени всякия превысший дар, нам от Бога дарованный. Радуйся, яко имаши велие к Немю дерзновение; радуйся, страже Афона и тамо обитающих Хранительнице. Радуйся, всекрепкая стено, еюже сохраняемся необоримы враги христианскими; радуйся, язво невидимых врагов и от них уязвляемых врачевание. Радуйся, бессильных сило и помощи беспомощных; радуйся, Отрадо и Утешение скорбящих. Радуйся, Невесто Неневестная.

Песнь 7

Ирмос: От Иудейи дошедше, отроцы в Вавилоне иногда верую Тройческою пламень пещный попраша, поюще: отцев Боже, благословен еси.

Пресвятая Богородице, спаси нас.

Воплощся от утробы Твоея Господь, господствуяй тварию, и Тебе, Дево, Госпожу покажи видимым же всем и невидимым, яко Матерь Свою прославляя Тя.

Пресвятая Богородице, спаси нас.

Согрешихом, Господи, но не отступихом от Тебе и иного не ведем, разве Тебе, не предаждь нас до конца Матере Твоея мольбами, отцев Боже благословенный.

Пресвятая Богородице, спаси нас.

Гора Божия осененная, Всечистая, покрый сущия в Горы сению Твоих молитв и от сети ловящих избави поющия: отец наших Боже, благословен еси.

Слава: Непобедимая еси крепость, Госпоже, и несокрушимое ограждение с верою призывающих Тя: разрушаеши бо советы вооружающихся на славы Твоя.

И ныне: Унывающим Отрадо, печальным Утешение, заблуждающим Наставнице, соблюди нас, Дево, от всякаго зла, чтущих святыи образ Твой.

Песнь 8

Ирмос: Царя Небеснаго, Егоже поют вси Ангельстии, хвалите и превозносите во вся веки.

Пресвятая Богородице, спаси нас.

Преблагословенная Мати Всещедраго Бога, ущедри ны, недостойныя, дарамы милосердия Твоего, да превозносим Тя во веки.

Пресвятая Богородице, спаси нас.

Крѣпость и держава бѹди рабѡм Твоимъ, Всецарице, сила, оружіе и меч, врагѣ спасѣнія секущій, да славимъ Тя во вѣки.

Пресвятая Богородице, спаси нас.

Сіяющая паче Ангелъ святѣнею, храни нас, Всенепорѡчная, от грехѡвнхъ деяній, глаголаний и помышлений, да благословляемъ Тя во вѣки.

Пресвятая Богородице, спаси нас.

Освятѣ, Всесвятая, благоговѣнно лобызающихъ святую икону Твою и Твоимъ матернимъ дерзновѣниемъ милостива намъ твори Сына Твоего, да поемъ Его во вѣки.

Слава: Отрадо и Утешѣние молящихся Тебѣ, временныхъ и вѣчныхъ лютыхъ избави ны, да хвалимъ Тя и Сына Твоего превозносимъ во вся вѣки.

И ныне: Путь и Животъ, Дѣво, рѡждшая, стопы наша направи по словеси Божію, да, животъ вѣчный наслѣдовавше, поемъ Тя, Сына Твоего превозносяще во вся вѣки.

Песнь 9

Ирмос: Проявленное на горѣ законоположнику во огнѣ и купинѣ Рождество Приснодѣвы в наше, вѣрныхъ, спасѣние пѣснями немолчными величаемъ.

Пресвятая Богородице, спаси нас.

Веселися, Ватопѣде, неусыпная бо Афѡна Назирательница яже на Тя коварство вражіе маниемъ Своимъ разруши и изгнанны сотвори разрушѣние Тебѣ уготовавшия.

Пресвятая Богородице, спаси нас.

О, великаго дерзновѣнія Твоего, Дѣво, к Богу и благоутрѡбія к рабѡмъ Твоимъ! Возвещаючи бо о вразѣхъ, уклонила еси лице Свое от руки Сына Твоего, якоже до ныне зриши на иконѣ Твоѣй.

Пресвятая Богородице, спаси нас.

Потокъ свѣтлости, отрады и утешѣнія неистощимый Ты еси, Богорадованная Мати Свѣта, тьму убо страстей прожени от нас, обстоящихъ свѣтлое подобіе лица Твоего, и несветимаго огня избави.

Пресвятая Богородице, спаси нас.

Спасѣние бѹди присное, Госпожѣ, от врагъ нашихъ и из руки всехъ, ненавидящихъ нас, и направи ноги наша на путь миренъ милосердія ради милости Сына Твоего и Бога нашего, Преблагословенная.

Слава: Владычествующая всеми яко Всецаря Матерь, странѣ нашей подаждь благодѣнствие, мир, спасѣние и на сопостаты победы и одолѣние.

И ныне: Молѣбное пѣние от души принесохъ со страхомъ Тебѣ, Дѣво, рѡждшей Христа Бога, Егѡже молящи, благоприятна сотвори молѣнія наша, да Тя пѣснями немолчными величаемъ.